



O ai cjatât une bieles sistemazion ta chest paisut de Cjargne cumò che il Mâr Adriatic al rive fin a Osôf. O vîf cu la famee e no ai rognis; juste cualchi batibec cun Sen-Ciù parcè che lis sôs cjavris a vegnin a mangjâ lis jerbis dal gno ort. Une dì, sustât, i ai dit di tornâ tal so paîs. O podevin sveâsi prime.

La zovenute che e predicjave sul riscjaldament de Tiere za tai agns '10 e je muarte un an fa: e jere none bisse!

A ogni mût, il guvier comunist de Europe Unide al è avonde bon. Di cirche trente agns che al è al podê al à fat la robe juste di meti lis nôfs di vuere tal Mediterani par no fâ rivâ plui int.

Mi lamenti un pôc des scossis di taramot cumò ma o ai la cjase antisismiche. I studiôs dai taramots a disin che e je la Afriche che e sburte cuintri la Europe.

O ai di preparâ lis stanziis par gno nevôt e la sô famee che a rivin cul avion al aeropuart di Tumieç. A àn vût un permès speciâl dal Uffici de Imigrazion par vignî a cjatâmi. Francis, la sô femine e i fîs a rivaran doman, ai 15 di Setembar dal 2099 de citât di Kano - Nigeria, 30 milions di abitants. Mieçs a vivin su cjasis a palafite e mieçs su barcjis.

di Checo Tam

No si po pratindi la lune...

#947